



## ԱՊՐԻԼՅԱՆ ԵՂԵՌՆԻ 63-ՐԴ ՏԱՐԵԼԻՑԸ ՄԱՅՐ ԱԹՈՌՈՒՄ

Այսօր «Յիշատակ է քիրատը նահատակացն մերոց, որք կատարեցան լրնթացս Համաշխարհային ստաշին պատերազմի»:

Ապրիլյան եղևոնի 63-րդ տարելիցն է:

Հայ ժողովրդի դարավոր պատմության ամենամուսայ ու ողբերգական թվականն է 1915-ի ապրիլը:

«Անավոր բան մը այնտեղ, կիրատարվի  
մտքին մեջ,  
Կապաններն Ազգ մը այնտեղ որ կանք  
ունեն և շնորհ»:

(Վ. Թեքեյան)

Այս տարի էլ, ապրիլի 24-ին, երկուշաբթի օրը, Մայր Աթոռում, հազրենիքում և սփյուռքի ողջ տարածքի վրա համայն հայությունը նշեց հայ տատապանքի և մեր հազարավան նահատակության 63-րդ տարելիցը և հպարտորեն իր գլուխը խոնարհեց մեր նահատակների անմոռաց հիշատակի առաջ, նահատակներ, որոնք ընկան «խան Ցիսուսի, վասն հազրենեաց», ընկան, որ հայությունն ապրի և դարերի դիմաց վառի իր հավերժության բոցավառ խարույկը:

Անցան 63 տարիներ: Հայության վիշտը, նահատակությունը վերածվեց գոյատևման ուժի, կյանքի, ստեղծագործական կամքի,

հաղթանակի, ապրելու և հավերժելու հավատքի:

Ժողովուրդների կանքում անդարձ կորած բույնն ետ չես դարձնի ափսոսանքով և հուսահատությամբ: Ողջերը չեն ապրի, եթե «մեռնի երազը նահատակների»:

Մեր այսօրվա հաղթական կրթի մեջ կա երազն ու շունչը մեր նահատակների: Մեր այսօրվա պայծառ ու խոստումնալից հայրենիքը՝ Սովետական Հայաստանը, հավիտենական հուշարձանն է մեր նահատակների անմահ հիշատակի:

1978, ապրիլի 24...

Ժամը 11-ն է: Վեհապատ Հայրապետը բարձրանում է Միծեռնակաբերդ, Նահատակաց հուշարձանին խաչազարդ ծաղկեպսակ դնում՝ հետևյալ մակագրությամբ. «Օրհնություն մեր նահատակներին Մայր Աթոռ ս. Էջմիածնից»:

Հայոց Հայրապետը, ՀԱՍՀ Մինիստրների խորհրդին աղբյուր հայ եկեղեցու գործերի խորհրդի նախագահի տեղակալ պարոն Անդրանիկ Հարությունը, Մայր Աթոռի ողջ միաբանությունը, մայրախանի ղեկավար պաշտոնեությունը շուրջանակի բուրբյում են նահատակաց հուշարձանի հավերժական կրակի շուրջ և ծաղիկներ գետնում:

Աղոթքի և Ուխտի սրբազան պահն է: Հայոց Հայրապետը «Հոգեց» է արտասա-

նում նահատակաց հիշատակին, և մեկ րոպե լուռությամբ բոլոր գլուխները խոնարհվում են...

Ժամը 12-ն է: Մայր տանարոմ, Նահատակաց սուրբ սեղանի վրա, պատարագ է մատուցում տ. Հովհաննես ավագ քհն. Մարությանը և իր բովանդակալից քարոզով ոգեկոչում հիշատակը նահատակների:

Ս. պատարագին ներկա է Վեհափառ Հայրապետը՝ շրջապատված Մայր Աթոռի միաբանության անդամներով, մայրավանքի ողջ աշխատավորությամբ և հավատացյալների հոծ բազմությամբ:

Հավարտ ս. պատարագի Վեհափառ Հայրապետը, ի գլուխ եկեղեցական թագին, սուաջնորդվում է մայրավանքի հյուսիսային կողմում կառուցված Ուխտի և Աղոթքի նահատակաց հուշարձան ու նախագահում հոգեհանգստյան արարողությանը:

Հայոց Հայրապետը «Հոգաց» է արտա-

սանում: Բոլոր ներկաները լուռությամբ, երախտապարտ հիշողության լույսով հարգում են Ապրիլյան եղեռնի նահատակաց հիշատակը:

Ժամը 15-ին հոգևոր ճեմարանի ուսանողությունը ծաղիկներով, բազմահազար ժողովրդի հետ բարձրանում է Ծիծեռնակաբերդ: Ժամը 19-ն է: Ողջ Հանրապետության մեջ հայտարարվում է լուռյան րոպե: Հայրենաբնակ բովանդակ հայությունը մեկ սիրտ ու մեկ հոգի, կրկին անգամ հպարտ լուռությամբ իր հարգանքն է մատուցում Ապրիլյան նահատակների հիշատակին:

Փա՛ռք և հարգա՛նք քեզ, երեկ նահատակված, բայց այսօր հրաշափառապես ազգային վերածննդյան և ապահովության փրկարար ճանապարհը գտած Հայոց աշխարհ և հայոց ժողովուրդ:

